

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DE RIBADEO PARA OBRAS DE MELLORA DAS INFRAESTRUTURAS TURÍSTICAS NA CONTORNA DA OFICINA DE TURISMO E DA PRAZA DE PANCHO MASEDA

O xerente de Turismo de Galicia

DECLARA:

Que esta Axencia de Turismo de Galicia formalizou co Concello de Ribadeo o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2024.

Que o instrumento convencional ten por obxecto establecer as bases de colaboración entre a Axencia de Turismo de Galicia e o Concello de Ribadeo para obras de mellora das infraestruturas turísticas na contorna da oficina de turismo e da praza de Pancho Maseda.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia de Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia de Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- Que entre os obxectivos do Concello de Ribadeo están o desenvolvemento do turismo dentro do concello de acordo cos principios de calidade, accesibilidade e



sustentabilidade; a potenciación do turismo como factor de crecemento económico, a valorización dos recursos turísticos e o fomento do turismo como instrumento de reequilibrio territorial.

Este concello, consciente da gran importancia e da gran responsabilidade que leva xestionar adecuadamente os espazos naturais así como os elementos do patrimonio tradicional e cultural de Ribadeo, dirixe os seus esforzos cara a conservación, divulgación e posta en valor dos recursos presentes no concello. É por isto polo que se promove unha actuación dirixida á posta en valor turístico dun dos elementos de interese existentes no concello, a contorna da oficina de turismo e da praza de Pancho Maseda.

Terceiro.- O Concello de Ribadeo pretende levar a cabo un proxecto de obras de mellora de infraestruturas turísticas e corrección de impactos paisaxísticos na contorna da oficina de turismo e da praza de Pancho Maseda, a carón da Casa do Concello, no Casco Histórico do Concello de Ribadeo.

En concreto as actuacións a realizar son as seguintes:

- Colocación de pedra de lousa nos parterres que se eliminan na praza Pancho Maseda, así coma a eliminación da vexetación.
- Eliminación do muro ó final da praza sobre a gardería, que dificulta a visión.
- Colocación de baldosas de Sargadelos marcando a oficina de turismo, a praza Pancho Maseda, a situación do Concello e do ascensor de acceso.
- Limpeza e recuperación das varandas de forxa de acceso ó Concello así coma as da súa balconada.
- Retirada da pedra diante do Concello na que se pretendía colocar uns mastros con bandeiras institucionais. Colocación de catro mastros de bandeiras diante da praza Pancho Maseda.
- Colocación de mobiliario: dúas papeleiras e dous bancos.
- Colocación dunha malla nas escaleiras de madeira que comunican o aparcamento municipal da rúa Pipelo coa oficina de turismo.



- Recuperar a pedra do lateral do concello no acceso debido a oxidación da varanda ancorada.
- Eliminación de barreiras arquitectónicas no acceso á praza Pancho Maseda, para ter maior visibilidade da Ría e da contorna do Casco Histórico.
- Recuperacións da iluminación ornamental deteriorada.
- Recuperación e creación do miradoiro paisaxístico na praza de Pancho Maseda con vistas a Ría de Ribadeo e Asturias dende a cota do centro da Vila.
- Adecuación da contorna da oficina de turismo con reposición do pavimento, eliminación de graffitis nas fachadas lateral e traseira, así coma aderezar a base na que esta a palmeira na fachada principal da oficina.

Tanto a contorna da oficina de turismo coma a praza de Pancho Maseda atópanse incluídas dentro do conxunto histórico da vila de Ribadeo, declarado ben de interese cultural, coa categoría de conxunto histórico, polo Decreto 266/2004, do 11 de novembro. Este conxunto histórico está no trazado do Camiño de Santiago do Norte, Ruta da Costa, que transita pola costa asturiana e entra en Galicia polo porto de Porcillán en Ribadeo, ao que os peregrinos chegaban nos barcos que facían o porto entre as dúas ribeiras do río Eo. En 2015, o Camiño do Norte foi recoñecido pola UNESCO, xunto co Camiño Primitivo, como Patrimonio da Humanidade, o máximo recoñecemento que pode recibir un ben cultural.

Con esta actuación quérese potenciar un elemento patrimonial do concello, favorecendo o uso e goce do entorno por parte de veciños e visitantes, revalorizando o patrimonio e fomentando o turismo patrimonial como un instrumento de reequilibrio territorial, o que supón a posta en valor turístico da citada infraestrutura.

Que a través deste convenio outórgase ó Concello de Ribadeo unha subvención directa en virtude do disposto no artigo 19.4 c) da Lei 9/2007, do 13 de xuño, de subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos



contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

